

# Kaji faktor kemalangan maut meningkat

**Serdang:** Peningkatan jumlah kematian akibat kemalangan jalan raya meletakkan Malaysia di tahap kritikal sekali gus memberi isyarat jelas kepada pihak berkaitan supaya meneliti dan mengkaji punca sebenar untuk penyelesaian jangka panjang.

Fakta itu disokong hasil kajian Pertubuhan Kesihatan Sedunia (WHO) yang mengesahkan kemalangan sudah menjadi punca kelima kematian manusia hari ini.

Ketua Pegawai Eksekutif Allianz General Insurance Company (M) Berhad Zakri Khir berkata, pihaknya komited dalam mengkaji dan menganalisis punca sebenar kemalangan kerana sedar dunia kehilangan hampir 1.3 juta orang setiap tahun akibat kecelakaan jalan raya.

“Di Malaysia, lebih 6,000 ke-

matian jalan raya direkodkan setiap tahun sejak kebelakangan ini dengan 60 peratus daripada mangsanya penunggang dan pembonceng motosikal.

“Melihat senario ini, kita terpacu untuk memainkan peranan lebih serius bagi mewujudkan masa depan lebih baik serta selamat untuk semua pengguna jalan raya,” katanya pada sidang media di Universiti Putra Malaysia (UPM), semalam.

Beliau bersama Timbalan Ketua Pengarah Jabatan Keselamatan Jalan Raya (JKJR) Sim Say Kiong hadir menyempurnakan Kempen Advokasi Keselamatan Jalan Raya UPM 2013 di Bangunan Pentadbiran universiti itu semalam.

Hadir menyampaikan ucapan adalah Timbalan Naib Canselor (Hubungan Industri



Lebih 6,000 kematian di jalan raya direkod setiap tahun...60 peratus mangsanya penunggang dan pembonceng motosikal”

Zakri Khir

dan Masyarakat) UPM Prof Dr Renuganth Varatharajoo.

Menjelaz lanjut, Zakri berkata, pihaknya menjalankan lebih 51 program berkaitan keselamatan jalan raya di seluruh negara sejak September 2011.

“Jalinan kerjasama dengan JKJR membolehkan kami bergerak seiring dalam membina kesedaran dalam kalangan masyarakat, se-



kali gus membantu mencegah kemalangan jalan raya.

“Justeru, dengan kerjasama tiga penjuror (termasuk UPM) ini nanti, kita harap lebih banyak analisis dan kajian boleh dilihat serta diteliti untuk kepentingan bersama pada masa akan datang,” katanya.